

Winkes Pämänn vom Jlockespetz

von Gerhard Meyer, Stratum †

vorgelegt von Heinz Rütten, abgeschrieben von Johannes Toups

Ech han ene Puckel on mine Vrau hätt ene Puckel.
Wir Twei hand oss bloos jetroud, dat die Noerwelt
die Rasse von oss unmöschliche Jestalte erhalde
blifft.

Wenn werr Twei os tesaame op de Stroot senn
loote, jont de Lüh loupe on schreie: „Wat vön
Fammilisch van Daar wi-er op de Stroot ess.“
Neulich kömmt os ene Boosch entjääje on säht:
„Häär, wenn er rühre Puckel jätt mi-er en derr
Nacke ston heid, köst err de jout als Kraare-
knöppke jebruuke.“

Min Vrau wo-er Wettvrau. Derr ühre eschte Mann
loch all fönef Johr om Kerkhoff. Se hadd sech als
Wettvrau emmer ehrlich on fließisch dur de Welt
jeschlaare, se hädd emmer so völl övver jehalde,
so dat se och als Wettvrau de Kenger noch jätt

jääve konnt. Selfsverständlich hädd se sech över-
all Rabattmarke jeschnorrt.

Ech well öch noh ens e paar Wöht von minne
scheefe Huusdrajooener vertälle. Ech hadd nix on
minn Trees hadd nix. Wo heer noh wat nehme
on net stehle. Die Trees mende, et jööve doch je-
noch Affzahlungsjeschäfte, die selvs och knapp
ihrlisch würe. Wir kösse bej denne jout e Bett,
enne Döösch möt Stöhl on enne Klejjerkaas op
Pomp koope.

Watt säht ech enne Klejjerkaas, de hand werr te
Huus allsoläave kenne jehadd. Min Mooder breiht
Mondaars de Klejjer no-er Pfandhuus, on holde
se et Samsdaars wi-er aff. Wenn se se dann et
Mondaars wi-er dohin breiht, dann krääsch die
noch Jeld uut.

Oss Hochziet wo-er dat schönste Fest, wat jemols op et Jlockespetz jehalde woode ess. Bej all dat Jedönns, kenne ehne hädd e Protokoll jekrääje. De Schutzmann de kannte werr jout, de hadd vörr oss Hochziet extra e nöj Protokollbook ahnjefange, dat ess dann no-er dat Fest vottjeschmeete woode. Dat hädd hä oss ävver och noch oft jenoeh onger de Naas jereeve.

Oss Hochzietsjääs woore: Plaates Nöll, Meusers Jack, Neukes Plank, Schmette Puup, Kaatemanns Bömm on Janses Stüpp möt Anhang. On dat merr Platz jenoeh hadde, wood sech op derr Boom jesatte. E Zemmer wood vörr de Jadderob heerjerecht, von do ut jeng et no-er et Klosett.

Jetz koom langsam et Äääte op derr Döösch, derr eschte Jang: Lookzaus möt jekockde Salm, dobej alde Korn von Kauertz. De twädde Jang: Proletarierwöösch möt Severforelle, dobej Remmele alde Hollänger on Hööp Limburjer Stenk-Kees möt Alt ut e Eekefaat. Am Schluss joov et Rumpott à la Puckels-Trees.

Wie dat Ääte vorbej wo-er, konnt man dat lange Sette on Lieje op de Boom net mi-er uuthalde, jetz feng de jemütliche Dehlt ahn. Et woote Liedsches von de lustije Wettvrau jesonge, et woote Spellsches möt Lockerungs-Übunge jemäckt on jeschunkelt, jebrollt on jelacht, dat min Trees vörr lauter Lache enne Kramp krääsch.

On dobej derr Monk oope ston bleev bess henger de Ohre. Min Trees hätt sons, wenn se nix säht, e klee Mönke. Dat fängt e Stöck onger de Naas ahn on hööt do och all bald wi-er op. Ech jlööv, wenn die sech ene Helm op de Kopp jesatte hej on sech de Rejm vom Helm onger et Kenn jeleiht hej, dann hej die sech onger de Rejm noch en Zi-jaar ahn maake könne. On dann och noch, wenn Fulheet Ping wü-er, dann könnste derr ens brülle hüere.

Et Morjer öm 7 Uhr, als werr allemohle en appleschalie Klüür en et Jesecht hadde, meeken wir Fieroovend. En de Hochziets-Neiht hadde merr schweere Kämpfe möt tu maake jäje die Bruune Husare on de verwandte Berufsjesonsenschaft, on wie werr dann morjes oppston wollde, do wo-er all Övvermorje. Min Trees so-er so verjittscht ut, dat ech die jout als tätowierte Trees en et Wachsfijure-Museum hä avvjäve könne.

Sach ens Päm. wie ess dat möt en Tass Kaffee, säht se. Dobej dreht se sech noch ens en dä Müffsack e-röm. Oho, seiht ech, so mosste ävver mar ahnfange. Et ehne Woot breit et angere, on ech koom so en Wuut, dat ech de Kaamerpott schnappde, de nääve et Bett stong, on derr Trees dä övver derr Kopp stölbde. Dat bettsche Jlöck on Freud wo-er vorbej.

Ävver do woht min Trees en bloutrünstije Tierjerin, on stellde sech en Positur. Sache ens, du Kriegsjurke, du verwaasene Antonius, du bucklije Quettschbüll, häss du all ens möt der Kopp en enne Putzömmen jehange, on wie ech seiht enää. do hadd ech de all övver der Däätz.

Do jeng et Schänge esch reiht loss, se kömmerde sech noch net e-mol öm Kommas on Ausrufzeichen, et jeng en ehne Ohm duur. Du kromme Düvelsbängel, wenn du möt die Eva em Paradies jewäss würst, die heij dech net e-mol von de Appel biete loote, du scheeve Huusschandarm.

Wie noh die eschte Bejrüßung vorbej wo-er, do wood derr sinne älste Jong wach, Mooder, säht hä, soll ech öm och noch enne verjocke? Hä hadd dat Woot noch net e-ruut, do völld ech och all e paar Häng möt völl liser-Reng an de Fenger en et Jesecht, dat ech ut-soor wie en Landkaat.

Dobej krääsch ech noch e Bängske övver derr Kopp jestölp. Ech wollde jraat so richtisch losslääje, do kloppden et an de Düür, on Hochzietsjääs koome, on breihte noch e Jeschenk e-ren en Jestalt von en Pruumetaat. On de Plaates Nöll holde noch sin Fahrrad avv on säht:

„Wä nett in Friede lääve kann – on nie jeprojelt hädd jekrääje, on von de Krankekass kann lääfe – de bruckt nie de Stoof te fääje.

On niemals soll man lauter Wut – demm sach ech et jetz jraat e-ruut dann vörr derr Kopp: Trau dech, dann lachste dech kapott.“

Min Trees wo-er no so jerührt, dat se mech die Pruumetaat öm derr Hals hong. Die Hochzietsjääs hadden dat net so mötjekrääje wie de Nöll on konnte dat net so verston, wat dat möt die Pruumetaat soo te bedüje hadd. Jennge on lejten oss twei en oss ehelich Jlöck allejn.

So jeht dat noh von de ehne Daar en de angere Daach hin on heer. Wenn oss dann de Mull weh deht von allem Schwaade on Bölke – dann nähm ech mech e Stöckske Pruumetaat, on Päm kritt sie Körsche.